

ՄԻԱՅՅԱԼ ԱՍՏՎԱԾԱՇՆՉԱՅԻՆ ԸՆԿԵՐՈՒԹՅԱՆ ՀԱՄԱԳՈՒՄԱՐԸ ԿԱՆԱԴԱՅՈՒՄ

Սույն թվականի սեպտեմբերի 26-ից հոկտեմբերի 9-ը Կառավարչի Օմտարիո Նախագահ Միսիսոկա քաղաքում տեղի ունեցավ Միացյալ Աստվածաշնչային Ընկերության համագումարը: Համագումարի առաջնորդող թեման էր սուրբ գրային "Բանիմ Աստծոյ կեանք ամենեցուն" խոսքը: Համագումարը մաս կարևոր մի առիթ եղավ մշտու Միացյալ Աստվածաշնչային Ընկերության հիմնադրության հիսնամյակը՝ իբրև համաշխարհային Աստվածաշնչային եղբայրակցություն: Այսօր ՄԱԸ-ն մի կազմակերպություն է, որը գործում է աշխարհի ավելի քան 200 երկրներում: Համագումարի օրերին Միսիսոկայում մասնակիցները լսեցին Աստվածաշնչի պատգամը, անդրադարձան դրա կարևորությանը մեր առօրյա կյանքում, փորձառությանը փոխանակման միջոցով իրար ավելի լավ ճանաչեցին և Աստծու ծառայության գործի զորացման համար խորհուրդներ փոխանակեցին: Համագումարի օրերին, երրորդ հազարամյակի մախօրեին, մոր ծրագրեր կազմվեցին: Դրանցում մեծ տեղ հատկացվեց տեսա-լսողական միջոցների կիրառման ամֆրաժեշտությանը մոր սերմերի հոգևոր դաստիարակության գործում:

Համագումարի օրերին հատուկ բանախոսություններ լսվեցին, եղան հատուկ աստվածաշնչային մեկնաբանություններ, որոնցով հանդես եկան Աստվածաշնչի մասնագետ ուսումնասիրողներ՝ պրոֆ. Մուլգես Սիլվային, պրոֆ. Լամին Սամնային, դոկտ. Մելթա Մազգային, մոնսեյնոր Արմանդո Լեոնարդուն, Հոգեշնորհ Օլե Գվարմեն: Բոլոր մասնակիցների համար տեղի ունեցավ հատուկ համաժողով "Կնոջ դերը Աստվածաշնչային Ընկերությունների մեջ" թեմայով, ուր ելույթներ ունեցան դոկտ. Մուզիմբի Կամյորոն, օրդ. Ռամոնի Ռեբերան և օրդ. Վենդի Ռոբինզոն:

Համագումարի ընթացքում տեղի ունեցան հանձնախմբերի ժողովներ: Դրա նպատակն էր՝ ի մի բերել յուրաքանչյուր շրջանի յուրահատկությունները, պահանջներն ու այնտեղ գործելու եղանակները:

Միսիսոկա քաղաքի եկեղեցում տեղի ունեցավ համագումարի քաջման արարողությունն ու հանդեսը, ինչպես մաս ընկերության հիսնամյա հոբելյանի հանդիսությունը:

Երրորդ հազարամյակի մոր ծրագրերի և աշխատանքային ձևի մասին հատուկ բանախոսության էր հրավիրված դոկտ. Ֆիլիպ Սթիմը, որը խոսեց "Աստվածաշնչային Ընկերությունները երրորդ հազարամյակի մախաշեմին և ակնարկ դեպի գալիքը" թեմայով:

Համագումարի օրերին մասնակիցները այցելեցին Միսիսոկայի շրջանի եկեղեցիները, այնտեղ ծանոթացան եկեղեցու անդամների և ժողովրդի հետ: Նրանք քարոզներ խոսեցին և ավելի սերտացրին կապը ժողովրդի և Աստվածաշնչային Ընկերությաննների միջև:

Համագումարի ընթացքում խոսվեց մաս ալմ տնտեսական դժվարության մասին, որ այսօր դիմագրավում են գրեթե բոլոր քարեգործական, շահ չակնկալող ընկերությունները: Այդ թվում մաս Միացյալ Աստվածաշնչային Ընկերությունը: Որոշվեց գործունեության մոր ոլորտներ գտնել Աստվածաշնչային Ընկերությունների ապագամ ամուր և ապահով դարձնելու համար:

Սույն Համագումարը հրավիրել էր Կամադայի Աստվածաշնչային Ընկերությունը, մախագահն էր Գերաշնորհ Ջոն Սպեոն: Համագումարի բոլոր պատգամավորները մասնակցեցին Կամադային նվիրված երեկոյին, որն անցկացվեց տեղի Աստվածաշնչային Ընկերության կողմից:

Համագումարին, հանում Հայաստանի Աստվածաշնչային Ընկերության, մասնակցեց Հոգաբարձուների Խորհրդի նախագահ Գերաշնորհ Տ. Ներսես Արքեպիսկոպոս Պողոսյանը: Սրբազան Հայրը սեպտեմբերի 29-ին, կիրակի օրը, ընդառաջելով Հայ Առաքելական Եկեղեցու Կամադայի Թեմի Առաջնորդ Գերաշնորհ Տ. Հովման Արքեպիսկոպոս Տերտերյանի հրավերին, Ս. Պատարագ մատուցեց Տորոնտո քաղաքի Ս. Երրորդություն հայոց եկեղեցում, բամին կենաց քարոզությամբ մխիթարեց հավատացյալներին և Հայոց Հայրապետի՝ Գարեգին Ա. Կաթողիկոսի հայրական ողջույմն ու Հայրապետական օրհնությունները փոխանցեց նրանց և լուրեր տվեց Ս. Էջմիածնից ու Հայաստան աշխարհից:

ՆԵՐՍԵՍ ԱՐԲԵՂԻՍԿՈՂՈՍ ՊՈԶԱՊԱԼՅԱՆ